

Apo. 22. 13.

Hellen bleiben/ denn sie sind unrein/ Apo: 22. 13. Wollen wir uns Christen rühmen/ vnd Christliches Glaubens/ so müssen wir solche Tugenden beweisen/ vnd durch ein heiliges Leben am tage geben/ das ein lebendiger Glaube in uns sey. Wir müssen darreichen im Glauben Tugend/ in der Tugend bescheidenheit/ in der bescheidenheit messigkeit/ in der messigkeit gedult/ vnd in der gedult Gottseligkeit/ vnd in der Gottseligkeit Brüderliche liebe/ vñ in der Brüderlichen liebe/ gemeine Liebe/ 2c: Vñ also wird euch reichlich dargereicht werden/ der Eingang zum ewigen Reiche vnsers

2. Pet. 1. 5. 6. 11.

Herren vnd Heylandes Jesu Christi/ 2. Pet: 1. 5. 6. 11. Aber wo ist heute zu tage vnter uns Christen solcher Glaube zu finden/ die wir zuvor Heyden gewesen/ vnd zu Christo sollen bekehret sein? Wo ist Christi leben/ als eine *proba*, *sa anima* (*πνεῦμα*, *respiratio*, *Jacob: 2. 26.*) des rechten Glaubens/ darauß man sehen köndte/ das Christus durch den Glauben in uns wohne? Die meisten seynd wieder ins Canaan zu ihren Heydnischen Eltern gewandert/ vnd treiben Hochsahrt/ vnd solche sind nicht Christen/ Christus ist auch nicht in ihnen/ sondern der Teuffel/ als welcher ist aller

Hiob. 41. 35.

Stolgen König/ Hiob: 41. 25. Von dem rühret her die verfluchte Hoffart/ vnd nicht von Christo/ vnd es sey nochmaln ferne/ das Christus in eines Menschen Herzen wohne/ der hochmühtig im Herzen vnd Kleydern ist/ gestalt Christus vnd Belial/ bey einander zugleich

2. Cor. 6. 14.

nicht sein können/ 2. Cor: 6. 14. Die Menschen leben in Hurerey/ Unzucht/ Unreinigkeit/ Geiz/ Fressen/ Sauffen/ Zorn/ Hader/ Janck/ mißgunst/ verachtung/ verleumb